



Bentiaraq Ottosen

UPA 2026/27-1

Atassut

28. April 2026

Uunga siunnersuut: Unammilleqatigiinneq pillugu Inatsisartut Inatsisaata allanngortinnissaa pillugu Inatsisartut Inatsisaat

(Nunanut allanut, Inuutissarsiutitut Aatsitassanullu Naalakkersuisoq)

Nunatsinni namminersorlutik oqartussat suliffeqarfiutaat ingerlatsinermit kisermaasisussaatitaanerit apeqquusernartoqartoq erseqqissarumavarput, suliffeqarfiit allat periarfissaqaraluarput ineriartornissaminut. Siullertulli erseqqissarusupparput Atassummit nunatsinni unammilleqatigiineq peqqinnartoq siunissamilu pisisinnaassutsip qaffakkiartuaarnissaanut periarfissat inuiaqatigiit akornanni periarfissanngortariaqartoq.

Namminersorlutik oqartussat suliffeqarfiutaat unammilleqatigiinermi kisermaasisussaatitaanerit suliffeqarfinnik namminersortunit unammillernartumik pilersitsisarnera killilersuisoq erseqqissarusupparput, tamanna peqqinnartuungilaq. Peqqinnarnerusulli tungaanut ineriartortitsinissaq Atassutip peqataaffigissavaa.

Nunatsinni suliffeqarfiit namminersortut periarfissanik nutaanik tunineqarnissaat upperilluinnarparput, taamaasiorutta unammilleqatigiinerup sullitanillu kiffartuusinerup pitsaasusaa qaffatsissinnaavarput. Taamaattumik Atassutip suliffeqarfinnut politikkaa pingaaruteqartuuvoq ersarissassallugu unammilleqatigiinerup peqqinnartuunissaanut siunertaqarmat.

Atassutip soqutigilluinnarpaa unammilleqatigiinerup kikkunnut tamanut ineriartorfiusumik sumiffinni tamani inissisimanissaa suleqataaffigissavaa, inuup akiliisinnaasusaa qaffannissaa anguniarlugu.

Taamaattumik Naalakkersuisut saqqummiussaata taperserparput, ilisimalluaratsigu unammilleqatigiinermut ineriartornissaq peqqinnartuusoq. Tusarniaanermilu oqariartuutigineqartut eqqumaffissanik tikkuartuinerat tusaallutigit una siunnersuut taperserlutigu Inuussutissarsiornermut aatsitassanullu ataatsimiititaliamut ingerlateqqillugu innersuupparput.